



中國宗教歷史文獻集成之一

# 藏外佛經

新學社  
PDG

中國宗教歷史文獻集成編纂委員會編纂

# 藏外佛經

第二十六冊

黃山書社

新華書局  
PDG

图书在版编目(CIP)数据

中国宗教历史文献集成. 26, 藏外佛经/周燮藩主编; 方广钊分卷主编. - 合肥: 黄山书社, 2005. 10  
ISBN 7-80707-295-4

I. 中… II. ①周…②方… III. ①宗教-史籍-中国②佛教-文献 IV. ①B929.2②B94

中国版本图书馆 CIP 数据核字(2005)第 117039 号

数字图书馆  
PDG

藏外佛經第二十六冊目次

古今圖書集成神異典粹要(二)第九十五卷至第一六一卷 清刻本 ·····一

清刻本

古今圖書集成神異典粹要（二）

|          |       |
|----------|-------|
| 五、佛經部彙考一 | ..... |
| 佛經部彙考二   | ..... |
| 佛經部彙考三   | ..... |
| 佛經部彙考四   | ..... |
| 佛經部彙考五   | ..... |
| 佛經部彙考六   | ..... |
| 佛經部彙考七   | ..... |
| 佛經部藝文一   | ..... |
| 佛經部藝文二   | ..... |
| 佛經部紀事二   | ..... |
| 佛經部紀事三   | ..... |

|          |       |
|----------|-------|
| 佛經部紀事四   | ..... |
| 佛經部雜錄    | ..... |
| 佛經部外編    | ..... |
| 六、僧寺部彙考一 | ..... |
| 僧寺部彙考二   | ..... |
| 僧寺部彙考三   | ..... |
| 僧寺部彙考四   | ..... |
| 僧寺部彙考五   | ..... |
| 僧寺部藝文一   | ..... |
| 僧寺部藝文二   | ..... |
| 僧寺部藝文三   | ..... |
| 僧寺部藝文四   | ..... |
| 僧寺部藝文五   | ..... |
| 僧寺部藝文六   | ..... |
| 僧寺部紀事一   | ..... |
| 僧寺部紀事二   | ..... |
| 僧寺部雜錄    | ..... |
| 僧寺部外編    | ..... |



七、塔部彙考一.....

塔部彙考二.....

塔部彙考三.....

塔部藝文一.....

塔部藝文二.....

塔部選句.....

塔部紀事.....

塔部雜錄.....

塔部外編.....

八、僧部彙考

- 僧部列傳一（後漢、攝摩騰至晉、佛圖澄）  
僧部列傳二（晉、單道開至曇首）  
僧部列傳三（晉、慧遠至卑摩羅叉）  
僧部列傳四（晉、佛馱邪舍至寶掌）  
僧部列傳五（宋、杯度至求那跋摩）  
僧部列傳六（宋、道敬至普明）  
僧部列傳七（宋、道汪至智一）  
僧部列傳八（齊、慧通至慧敬）  
僧部列傳九（梁、保誌至寶唱）  
僧部列傳十（梁、僧護至法懷）  
僧部列傳十一（梁、慧成至陳、雙林大士）  
僧部列傳十二（陳、慧峰至智聚）  
僧部列傳十三（北魏、法果至佛陀禪師）  
僧部列傳十四（北齊、曇顯至道紀）

|                     |       |
|---------------------|-------|
| 僧部列傳十五（北周、靜藹至僧明）    | ..... |
| 僧部列傳十六（隋、曇延至慧常）     | ..... |
| 僧部列傳十七（隋、那連提黎耶舍至道成） | ..... |
| 僧部列傳十八（隋、通幽至圓超）     | ..... |
| 僧部列傳十九（隋、明恭至慧弼）     | ..... |
| 僧部列傳二十（隋、靈裕至法彥）     | ..... |
| 僧部列傳二十一（隋、法總至吉藏）    | ..... |
| 僧部列傳二十二（隋、慧隆至慧實）    | ..... |
| 僧部列傳二十三（隋、僧善至僧照）    | ..... |
| 僧部列傳二十四（隋、元鏡至真觀）    | ..... |
| 僧部列傳二十五（唐、洪林至慧休）    | ..... |
| 僧部列傳二十六（唐、靈潤至智聰）    | ..... |
| 僧部列傳二十七（唐、僧徹至圓光）    | ..... |
| 僧部列傳二十八（唐、海順至慧額）    | ..... |
| 僧部列傳二十九（唐、道宗至志寬）    | ..... |
| 僧部列傳三十（唐、波頗至寶相）     | ..... |
| 僧部列傳三十一（唐、元奘）       | ..... |
| 僧部列傳三十二（唐、法融至元琬）    | ..... |

- 僧部列傳三十三(唐、慧蕭至智實).....
- 僧部列傳三十四(唐、弘智至法冲).....
- 僧部列傳三十五(唐、僧伽至慧雲).....
- 僧部列傳三十六(唐、法成至慧琳).....
- 僧部列傳三十七(唐、義淨至蓮華精進).....

欽定古今圖書集成博物彙編神異典

第九十五卷目錄

佛經部彙考一

魏書 釋老志

隋書 釋老志

唐書 釋老志

東晉記事 佛書

遂初室書目 釋老目

大藏聖教法寶標目 釋老目

神異典第九十五卷

佛經部彙考一

魏書

釋老志

晉元康中有胡沙門支恭明譯佛經維摩法華三本起等微旨隱義未之能究後有沙門常山衛道安性聰敏日誦經萬餘言研求幽旨慨無師匠獨坐靜室十二年思攝精神悟妙隨以前所出經多有舛駁乃正其乖謬石勒時有天竺沙門佛圖澄少於烏長國就羅漢入道劉曜時到襄國後為石勒所宗信說為大和尚軍國規模頗訪之所言多驗道安會至鄴侯澄登見而異之澄卒後中國紛亂道安乃率門徒南遊新野欲令元宗所在流布分遣弟子各赴諸方法汰詣揚州法和入蜀道安與弟之夏陽道安後入苻堅堅欽德同既見宗以師禮時西域有胡沙門鳩摩羅什思通法門道安思與諸釋每勸堅致羅什什亦承安命問之東方聖人或時通拜致敬道安卒後二十餘載而羅什至長安恨不及安以為深

既道安所正經義與羅什譯出符會如一初無乖舛于是法旨大著中原鳩摩羅什為姚興所敬于長安草堂寺集義學八百人重譯經本羅什思辯有淵思遠東西方當時沙門道形僧時道安道謝僧肇曇影等與羅什共相提挈發明幽致諸深大經論十有餘部更定章句辭義通明至今沙門共所祖習道形等皆識學洽通信譽尤為其最羅什之撰譯僧肇常執筆定諸辭義注維摩經又著數論皆有妙旨學者宗之沙門法顯低律藏不具自長安還天竺歷三十餘國隨有經律之處學其言語譯而為之十年乃於南海師子國隨商人孔舟東下晝夜昏迷將二百日乃至齊州長廣郡不其勞山之下乃出海焉是歲神瑞二年也法顯所經諸國傳記之今行于世其所得律通譯未能盡正至江南更與天竺三師師政施羅辯定之謂之僧祇律大備于前為今沙門所持受先是有沙門法領從揚州入西域得華嚴經本定律後數年故施羅共沙門法業重加譯撰宣行於時

經籍志

佛經者西域天竺之起維衛國淨飯王太子釋迦牟尼所說釋迦周莊王之九年四月八日自母右脇而生姿貌奇異有三十二相八十二好捨太子位出家學道勤行精進覺悟一切種智而謂之佛亦曰佛陀亦曰浮屠皆胡言也華言譯之為淨覺其所說云人身雖有生之異至於精神則恆不滅此身之前則經無量身矣積而修習精神清淨則成佛道天地之外四維上下更有天地亦無終極然皆有成有敗

一成一敗謂之一切自此天地已前則有無量劫矣每劫必有諸佛得道出世教化其數不同今此劫中當有千佛自初至于釋迦已七佛矣其次當有彌勒出世必經三會演說法教開度眾生由是道者有四等之果一曰須臾二曰斯陀含三曰阿那含四曰阿羅漢至羅漢者則出入生死去來隱顯而不為累阿羅漢已上至菩薩者深見佛性以至成道每佛滅度遺法相傳有正象末三等辭謂之異年歲遠近亦各不同末法已後眾生愚鈍無復佛教而業行轉惡年壽漸短經數百千載間乃至朝生夕死然後有大水大火大風之災一切除去之而更立生人又歸淳朴謂之小劫每一小劫則一佛出世初天竺中多諸外道並事水火毒龍而善諸幻術之若行也是諸邪道並來翳惱以亂其心而不能得及佛道成盡皆摧伏並為弟子弟子男曰桑門譯言息心而總曰僧譯言行乞女曰比丘尼皆剃落髮釋果辭家相與和居治心修淨行乞以自資而防心攝行僧至二百五十戒尼五百戒俗人信惡佛法者男曰優婆塞女曰優婆塞皆去殺盜淫妄言飲酒是謂五戒釋迦在世教化四十九年乃至天龍人鬼並來聽法弟子得道以百千萬億數然後于拘尸那城娑羅雙樹間以二月十五日入般涅槃涅槃亦曰泥洹譯言滅度亦言常樂我淨初釋迦說法以人之性識根業各差故有大乘小乘之說至是時世弟子大迦葉與阿難等五百人追共撰述綴以文字集教為十二部後數百年有羅漢菩薩相繼著論贊明其義然佛所說我滅度後正法五百年像法一千年末法三千年其興

如此推尋典籍自漢已上中國未傳或云久已流布  
還秦之世所以經其後張騫使西域聞有浮屠  
之教京師博士弟子秦景使伊存口授浮屠經中  
土國之未信也後漢明帝夜夢金人飛行殿庭以  
問於朝而傳教以佛對帝遣郎中蔡愔及景使天  
竺求之得佛經四十二章及釋迦立像并與沙門攝  
摩騰竺法蘭東還惜之來也以白馬負經因立白馬  
寺於洛陽雍門西以處之其經藏於蘭臺石室而又  
畫像於清涼臺及顯節陵上章帝時楚王英以崇敬  
佛法聞西域沙門齋佛經而至者甚衆永平中法蘭  
又譯十住經其餘傳譯多未能通至桓帝時有安息  
國沙門安世高經至洛陽譯最爲通解靈帝時有月  
支沙門支謙天竺沙門竺佛朔等並翻佛經而支謙  
所譯泥洹經二卷學者以爲大得本旨漢末太守竺  
融亦崇佛法三國時有西域沙門康僧會齋佛經至  
吳譯之吳主孫權甚敬信魏黃初中中國人始依佛  
戒剃髮爲僧先是西域沙門來此譯小品經首尾乖  
舛未能通解甘露中有朱仕行者往西域至于闐國  
得經九十章晉元康中至鄴譯之題曰放光般若經  
太始中有月支沙門竺法護西遊諸國大得佛經至  
洛陽譯部數甚多佛敎東流自此而盛石勒時常山  
沙門衛道安性聰敏誦經日至萬餘言以胡僧所譯  
雜摩法華未盡深旨精思十年心了神悟乃止其乖  
舛宣揚解釋時中國紛擾四方隔絕道安乃率門徒  
南遊新野欲令元宗所在流布分遺弟子各趨諸方  
法性詣揚州法和入蜀道安與惠遠之襄陽後至長  
安符堅甚敬之道安素聞天竺沙門鳩摩羅什思通

法門勸堅致之什亦聞安令開道肆致敬執其弘始  
二年羅什至長安時道安卒後已二十載矣什深慨  
恨什之來也大譯經論道安所正與什所譯義如一  
初無乖舛初晉元熙中鄧粲沙門智猛策杖西行到  
華氏城得泥洹經及僧祇律東至高昌譯泥洹爲二  
十卷後有天竺沙門曇摩羅復齋胡本來至河西  
沮渠安祖遣使至高昌取猛本欲相參驗未還而蒙  
遜滅滅其弘始十年猛本始至長安譯爲三十卷  
曇摩羅議又譯金光明等經時胡僧至長安者數十  
輩惟鳩摩羅什才德最優其所譯則維摩法華成實  
論等諸經及曇無讖所譯金光明曇摩羅所譯泥  
洹等經並爲大乘之學而什又譯十誦律天竺沙門  
佛徒耶舍譯長阿含經及四方律咒法勒沙門基摩  
維提譯增一阿含經曇摩耶舍譯阿毗曇論並爲小  
乘之學其餘經論不可勝紀自是佛法流通極於四  
海矣東晉隆安中有新賓沙門僧伽提婆譯增一阿  
含經及中阿含經曇摩羅中沙門支法領從于闐國得  
華嚴經三萬六千偈至金陵宣譯又有沙門法顯自  
長安遊天竺經三十餘國隨有經律之處學其音諦  
譯而寫之還至金陵與天竺神師跋闍婆共辨定謂  
僧祇律學者傳之齊衆及陳並有外國沙門然所宣  
譯無大各部可爲沙門者梁武帝大崇佛法于華林  
園中總集釋氏經典凡五千四百卷沙門實唱撰經  
目錄又後魏時太武帝西征長安以沙門多違佛律  
羣聚譏亂乃詔有司盡坑殺之焚佛像長安僧徒  
一時殲滅自餘征鎮據聞詔書亡匿得免者十二二  
文成之世又使修復熱汗中道沙門慧生使西域采

諸經律得一百七十部永平中又有天竺沙門菩提  
留支大譯佛經與羅什相持其地持十地論並爲大  
乘學者所重後齊遷都佛法不改至周武帝時蜀郡  
沙門衛元嵩上書稱僧徒損國武帝出詔一切廢毀  
開皇元年高祖詔天下任聽出家仍令計口出錢  
營造經像而京師及并州相州洛州等諸大邑之  
處並官寫一切經像寺內又別寫藏于祕閣天下之  
人從風而靡競相景慕民間佛經多於六經數十百  
倍大乘時又令沙門智果于東都內道場撰諸經目  
分別條貫以佛所說經爲三部一曰大乘二曰小乘  
三曰雜經其餘似後人假托爲之者別爲一部謂之  
疑經又有菩薩及諸深解奧義贊明佛理者名之爲  
論及戒律並有大小及中三部之別又所學者錄其  
當時行事名之爲記凡十一種今舉其大數列於此  
大乘經六百一十七部二千七百六十六卷小乘經四百  
八十七部八百五十二卷雜經三百八十七部七百一  
十六卷疑經一百七十二部三百三十六卷大乘  
律五十二部九十一卷小乘律八十部四百七十二  
卷雜律二十七部四十六卷大乘論三十五部一百  
四十一卷小乘論四十一部五百六十七卷雜論五  
十一部四百三十七卷記二十部四百六十四卷共  
二千九百五十部六千一百九十八卷  
唐書

### 藝文志

蕭子良注子二十卷 王僧虔注法苑珠林十五卷  
又弘明集十四卷 釋迦譜十卷 薩婆多師資傳四卷  
虞孝敬高僧傳六卷 又內典博要三十卷 僧賢明真



百要集十卷郭瑜修多羅法門二十卷略子義經論  
集要十卷顧歡夷夏論二卷甄鸞笑道論三卷衛元  
嵩齊三教論七卷杜又甄正論三卷李思慎心鏡論  
十卷裴子野名僧錄十五卷僧寶昌名僧傳三十卷  
又比丘尼傳四卷僧惠皎高僧傳十四卷僧道宗續  
高僧傳三十二卷陶弘景草堂法師傳一卷惠理  
草堂法師傳一卷劉神師傳一卷陽街之洛陽伽藍  
記五卷費長房歷代三寶記三卷僧彥琛崇正論六  
卷又集沙門不拜俗議六卷福田論二卷道宣統略  
淨住子二卷又通惑決疑錄二卷廣弘明集三十卷  
集古今佛道論衡四卷續高僧傳二十卷後集續高  
僧傳十卷東夏三寶感通錄三卷大唐貞觀內典錄  
十卷義淨大唐西域求法高僧傳二卷法琳辨正論  
八卷又破邪論二卷復禮十門辯惑論二卷楊上善  
六趣論六卷又三教銓衡十卷僧元曉佛教後代國  
王寶印三寶法一卷又安養菴生論一卷三德論一  
卷入道方便門二卷衆經目錄五卷續論一卷無  
礙錄起一卷十種讀經儀一卷無量藏儀一卷覺戒  
錄起二卷法界信圖一卷十不離一卷懺悔罪法一  
卷禮佛儀式二卷李師政內德論一卷僧法雲辨量  
三教論三卷又十王正業論十卷道宣又護注戒本  
二卷疏記四卷法苑珠林二卷疏記四卷行事綱補律  
儀三卷釋門正行懺悔儀三卷釋門亡物輕重儀二  
卷釋門章服儀二卷釋門歸敬儀二卷釋門護法儀  
二卷釋氏譜略二卷聖迹見在圖贊二卷佛化東漸  
圖贊二卷釋迦方志二卷僧彦璋大唐京寺錄傳十  
卷又沙門不敬錄六卷元廓大唐衆經音義二十五

卷元懺敬福論十卷又略論二卷大小乘觀門十卷  
法苑珠林集一百卷四分律僧尼討要略五卷金剛  
般若經集注三卷百願文一卷元範注金剛般若經  
一卷又注二帝三藏聖教序一卷太宗高宗慈覺華  
嚴十地維摩經義章十三卷行友已知沙門傳一卷  
道岳三藏本疏二十二卷道基維心元章并鈔八卷  
又大乘章鈔八卷智正華嚴疏十卷慧淨維心元文  
三十卷又俱舍論文疏三十卷大莊嚴論文疏三十  
卷法華經疏三十卷那提大乘集論四十卷釋疑  
論一卷注金剛般若經一卷諸經講序一卷元會義  
源文本四卷又時文釋鈔四卷涅槃義章句四卷慧  
休維心元章鈔疏重潤涅槃義疏十三卷又元章三  
卷通攝大乘論義鈔十三卷元章三卷辨相攝論疏  
五卷元英入唐西域記十二卷辨機西域記十二卷  
清微金殿塔寺記三十六卷師哲前代國王修行記  
五卷大唐內典錄十卷母吳開元內外經錄十卷智  
矩寶林傳十卷法常攝論義疏八卷又元章五卷慧  
能金剛般若經口訣正義一卷僧灌頂私記天台智  
者詞旨一卷又義記一卷道粹淨土論二卷道綽行  
圖一卷智首五部區分鈔二十一卷法藏四分疏十  
卷又講疏疏三卷捨機儀一卷輕重儀一卷慧滿四  
分律疏二十卷慧旻十誦私記十三卷又僧尼行事  
三卷尼衆羯磨二卷菩薩戒義疏四卷空藏大乘要  
句三卷道宗續高僧傳三十二卷元宗注金剛般若  
經一卷道宣御注金剛般若經疏宣演三卷高僧傳  
殘傳一卷元偉與門聖賢集五卷僧法海六祖法寶  
記一卷辛崇僧伽行狀一卷神楷維摩經疏六卷宣

嵩攝山棲霞寺記一卷破胡集一卷法藏起信論疏  
二卷法琳別傳二卷大唐京師寺錄元覺末嘉集十  
卷懷海禪門規式一卷希運傳心法要一卷元曉  
正論三卷光瑤注僧肇論三卷李紫元聖蓮盧一卷  
白居易八漸通真經一卷七科義狀一卷樓賈法尚  
一卷禪關八問一卷僧一行釋氏系錄一卷宗密禪  
源諸詮集一百一卷又起信論二卷起信論鈔三卷  
原人論一卷圓覺經大小疏鈔各一卷楚南般若經  
品頌偈一卷又破邪論一卷希運參同契一卷良伯  
大乘經要一卷又激勵道俗頌偈一卷光仁四大頌  
一卷又略華嚴長者論一卷無般垂誡十卷神清參  
元語錄十卷智月僧美三卷惠可達磨血脈一卷靖  
邁古今譯經圖記四卷智昇續古今譯經圖記一卷  
又續大唐內典錄一卷續古今佛道論衡一卷對摩  
山子詩七卷羅植詩偈三卷智閑偈頌一卷李吉甫  
一行傳一卷王彥威內典目錄十二卷  
東齊記事  
佛書  
佛書見於中國世謂起於後漢明帝時今考之蓋明  
帝之前既有劉向列仙傳曰歷觀百家之中以相檢  
驗得仙者百四十六人其七十四人已在佛經書去  
病傳收休屠祭天金人張晏曰佛徒記金人也顏師  
古曰今佛像是也漢武故事曰昆邪王殺休屠王以  
其衆來降得其金人之神置之甘泉宮金人皆長丈  
餘其祭不用牛羊惟燒香禮拜上使依其圖俗祀之  
東帝元壽元年博士弟子景盧受大月氏王使伊存  
口傳休屠經此皆明帝未遣使取經之前也使明帝

之前未有佛書則傳教對明帝所言何從而得之隋書經籍志云其書久已流布遺秦之世所以涅槃其說必有所據也

### 釋家類

金銀字傳大士頌金剛經六祖金剛經解義王荆公注金剛經華嚴經楞嚴經圓覺經楞嚴經疏疏經疏疏六祖壇經正法華藏馬祖四家錄笑道論非轉論萬善同歸原人論弘明集廣弘明集通明論佛敎總年佛運統紀僧寶傳續僧寶傳僧史僧史略高僧傳法苑珠金錄宗門統要釋氏要覽祖庭事苑釋氏六帖傳燈錄臨濟錄錄雲門語錄易禪師語錄普融禪師語錄詔國師語錄諸祖傳頌居居士詩寒山詩大慧武庫林間錄芙蓉般若陽樂北山錄端禪師語錄無住語錄釋梵書寶錄近世尊者語錄古塔王語錄吳文元智餘書道院集要神源諸詮風穴語錄謝陽以下二十二家語錄德仙語錄曹洞語錄長蘆覺語錄法雲語錄

### 大藏聖教法寶標目

菩薩契經藏般若部  
大般若波羅蜜多經六百卷  
右佛於天上人間四處十六會說西域本有二十萬偈此方八部咸在其中唐三藏法師元奘取全本於西域之王華寺譯成六百卷般若空宗此焉周盡初法師將願衆意如羅什所翻除緊去重於夜夢中有極怖畏事還依廣翻即見殊勝境界遂不敢刪依梵本譯廣成之日般若放光諸天雨華

空中音樂異香芬烈法師曰此無量之典人天大寶經自記此方富有樂大業者國王大臣四部徒衆書寫受持讀誦流布皆得生天究竟解脫開元釋教錄云諸經以般若為初者謂諸佛之母也般若六度之一數也五度未與大名惟此般若圓宗獨稱尊大乃是衆妙之淵府羣智之元宗萬法之本原衆聖之圓極所以前五但為佐助與般若作其輔翼惟此獨立大名般若者此云智慧也

第一會王舍城鷲峰山說第一卷至四百卷  
右四十卷八十五品新譯此方舊來流傳佛在鷲峰菩薩摩訶薩衆集佛子一一身分放大光明其光徧照三千大千世界及十方微細沙諸佛世界十方諸佛各遣大菩薩衆持金蓮華奉釋迦佛佛知衆集告舍利弗為諸菩薩衆說般若波羅蜜多舍利弗滿慈子與佛問答演說初會四百卷中說一切法五蘊十二處十八界十二緣生三十七菩提分法四靜慮定四無色定八解脫八勝處九次第定十遍處如來三身四智十力四無畏四無量心六神通十八不共法三十二相八十種好一切功德皆從六波羅蜜生般若波羅蜜多最大最勝最為第一更無過者餘五波羅蜜皆攝入此般若波羅蜜中一切諸法若無般若不得名為到彼岸故佛說內空內六根空故外空外六塵空故內外空根塵皆空故空空一切法空故大空十方皆空故勝義空涅槃亦空故有為空三界皆空故無為空無生住異滅故畢竟空諸法竟不可得故無際空無初中後故散空散謂有放有棄有捨可得此由

散空無變異空無放無棄無捨本性空一切法非佛所作本性空故自相空一切法自相皆空如夏礙是色自相領納是受自相等共相空謂一切法如苦是有漏法共相無常是有為法共相空無我是一切法共相等一切法空謂五蘊十二處十八界有為無為有見無見有對無對有漏無漏有為無為法皆空故不可得空三際不可得故無性空無少法可得故自性空諸法能合自性空故無性自性空諸法無能合性有所和合自性皆空故六波羅蜜三解脫十力十八不共一切智四果二乘十地究竟涅槃皆如夢如幻設更有法勝涅槃者我亦說為如夢如幻何以故幻化變事與一切法乃至涅槃皆悉無二無二分故一切諸佛一切功德無不皆從此般若波羅蜜多所生故一切三乘賢聖五果福地乃至人天富樂自在福德吉祥亦不離此般若波羅蜜多一切世出世間諸功德善法若無般若為其先導如人無眼則無所往若人受持讀誦恭敬供養聚念在心而不忘失者即知是成佛之前相去佛非遠故如是之人一切魔怨外道不能惱亂一切毒藥毒蛇惡獸不敢傷害諸惡鬼神悉皆遠離水火風災亦所不及若人軍陣刀箭不中敵國得勝一切災難無不滅者則法師序云大般若經者希代之絕唱曠劫之還津光被八天括囊真俗誠入神之奧府有國之靈鎮舊已譯八部攝現牛乳今具十六會乃握全寶義既天悠辭仍海盜且為諸分之本又是前古未傳此初會經四百卷八十五品矣



第二會四百一至四百七十八卷

巨則法師序云舌覆大千身分巨億并利六趣業  
動十方是使微塵利土不動而游恆沙諸佛不謀  
而證非般若至願執能致此同幻花之開落不滅  
不生比譬像之妍媸無染無淨應谷投響則毀譽  
共銷月池淺色則物我俱謝文復理詣感通悟永  
此會凡八十五品七十八卷即舊大品光讚放光  
本同譯別然大品之千光讚詞倍豐而加美此分  
之于大品文益具而彌正價輝校實豈不益歟舊  
譯闕常啼等品餘意大同

第三會從四百七十九卷至五百三十七卷

右新譯三十一品五十九卷于舊無涉佛言若諸  
菩薩欲疾證得一切智智應學般若波羅蜜多欲  
超聲聞獨覺等地欲住菩薩不退轉地欲得殊勝  
六種神通欲以一念隨喜之心超過一切聲聞獨  
覺施戒定慧忍進欲以一食一香一華一燈一衣  
一蓋一幢一簾供養十方沙界如來欲滿足六波  
羅蜜欲得一切如來殊勝功德欲得如上無量無  
邊殊勝功德應學般若波羅蜜多  
第四會從五百三十八卷至五百五十五卷

右第八譯二十九品一十八卷一切凡夫詞名相  
之符保癡愛之宅所以指懷有若發露必達至真  
反此動末斯會以假名般若假名菩薩是持幻  
法與幻人故無作亦無得此最好之譯或夢蝶之  
譏覺乎此會一十九品一十八卷即舊小品道行  
新道行明度經品之為首分也分有長短故有小  
品大品蓋道行即分中之初品譯者取以別顯明

度乃智度之異言即說總目為發端由殘闕未具  
故使名題亦差今大教克圓鴻規允布心術之要  
可復道微開元釋教錄云放光大品新舊譯耳大  
品為新放光為舊

第五會十卷

右二十四品第五百五十六卷至五百六十五卷  
佛言若諸菩薩但聞般若波羅蜜多尚復無邊功  
德勝利況深信解如說修行是諸菩薩近一切智  
安住真如疾證菩提若有菩薩欲證得阿耨多羅  
大千世界一切有情悉皆證得阿耨多羅果所獲福  
聚甚多若菩薩為諸有情宣說般若乃至一彈指  
頃所獲福聚甚多千前

則法師序曰夫見生死者三有著涅槃者二衆知  
生死空斯出三界矣知涅槃空斯過二地矣此會  
二十四品十卷舊未傳譯是大經略譯覽者固當  
不以抵羽而輕積珍矣

第六會八卷

右十七品第五百六十六卷至五百七十三卷最  
勝天王問佛說即舊勝天王般若本同譯別此第  
二譯發明弘旨故校因圖固已法寶明映義林交  
融

第七會室羅摩城給孤獨園說曼珠室利分二卷

右第五百七十四卷至七十五卷與舊譯文殊般若  
若不同譯別此第三譯  
則法師序曰即相無親真如之壯觀即虛無知種  
智之默識既泯修而造修亦絕學而趣學狀其匪  
別則菩提萬流斷其混茫則涅槃一相一相則不

見生死萬流則無非佛法不壞假名而開實相法  
尚不有何有菩提尚無菩提何有證得此言即舊  
譯文殊般若矣

第八會一卷

右一品即室利分第五百七十六卷與舊譯  
首菩薩分衛經本同譯別此經第三譯  
則法師序曰縱觀空術證禪海定廢機切景知積  
氣以忘勝覺鏡含委悟惟空而般若故能自近鑒  
遠由真立俗識危生之路集知幻質之泡沬電候  
青氣之輝雲空軒蓋之影文約理賅昔秘今傳雖  
一軸單譯而三復固多重味矣

第九會說能斷金剛分一卷

右第四譯第五百七十七卷與舊金剛般若本同  
譯別凡本具云能斷金剛般若欲明菩薩以分別  
為煩惱而分別之惑堅類金剛此經所詮無分別  
慧乃能除斷故知舊譯失上二字又下文三阿闍  
一九論關三法師具依梵本翻譯

則法師序沖照倬存選題冠舉承開諸要三同候  
其標節理情並兩如畫其致窮非想以布想攝衆  
度以植度格虛空而未量凡塵香而不住忘注身  
于相好豈見如來分利上千微塵誰為世界河沙  
數非多之多福山王此非大之身法性絕言爾  
有說而便謗菩提離取知無授而乃成皆所以拂  
舊疑津剪萌心還廣略二本前後五譯無新無故  
逾嫌逾明經卷所在則為有佛故受持之迹其驗  
若神傳之物應具如別錄  
第十會他化自在天王宮說般若理趣分一卷